

Broj: 0714-XI/21
Sarajevo, 26.1.2021. godine

Predmet: Pojašnjenje-veza javni poziv za dostavljanje ponuda za nabavku advokatskih usluga za potrebe Razvojne banke Federacije Bosne i Hercegovine u 2021. godini

Poštovani,

Dana 20.1.2021. godine, Ugovornom organu-Razvojnoj Banci Federacije BiH dostavljen je dopis/akt-jednog od zainteresovanih ponuđača u kojem se traži pojašnjenje, odnosno izmjena poziva/tenderske dokumentacije u postupku javne nabavke advokatskih usluga za potrebe Razvojne banke Federacije BiH u 2021. godini.

Naime, u prethodno navedenom dopisu, navedeno je da je u okviru kriterija za dodjelu ugovora, tačkom 7. propisano sljedeće:

„Ugovorni organ će, kada se ukaže potreba za nabavkom usluga koje su predmet nabavke, za svaku uslugu-u skladu s pojedinačnim potrebama, vršiti izbor između prijavljenih (kvalifikovanih) ponuđača, odnosno dostavljenih ponuda, cijeneći pritom-u svakom pojedinačnom slučaju, specifičnost i kompleksnost nabavke, kao i vrijednost sudskih sporova, uvažavajući i pravnu oblast u koju je svrstana usluga koja je predmet nabavke“.

S obzirom da je ponuđač naveo da je nejasno da li treba dostaviti pojedinačnu cijenu za svaku stavku iz tehničke specifikacije, niti je poznato o kojoj vrsti sporova se radi, te nije moguće dostaviti ponudu na konkurentskoj osnovi, jer nije određen i preciziran kriterij po kojem će Ugovorni organ vršiti izbor ponuda i u konačnici kojem će ponuđaču biti dodijeljen ugovor, te traži od Ugovornog organa da se odredi tačan kriterij prema kojima će ponuđači dostaviti svoje ponude, ovim putem u skladu sa tačkom 18. Poziva broj 0298-U-XI/21 objavljujemo pojašnjenje na web stranici Ugovornog organa www.rbfbih.ba radi upoznavanja zainteresovanih ponuđača:

Pojedinačnu cijenu za stavke iz tehničke specifikacije nije potrebno dostaviti prilikom dostavljanja ponude u roku navedenom u pozivu.

U tehničkoj specifikaciji navedenoj pod tačkom 4. Poziva/tenderske dokumentacije, navedeno je sljedeće:

Predmet ovog postupka je nabavka advokatskih usluga za potrebe Razvojne banke Federacije BiH u 2021. godini, odnosno usluga pravnog savjetovanja, zastupanja i poduzimanja svih potrebnih pravnih radnji pred nadležnim sudovima i drugim institucijama i organima-prema potrebama ugovornog organa, a sve radi zaštite prava i interesa Razvojne banke Federacije BiH.

Usluge, pored ostalog, uključuju zastupanje Razvojne banke Federacije BiH u predmetima pred nadležnim sudovima i poduzimanje konkretnih radnji u svakom konkretnom predmetu koji su prikazani u tabeli, odnosno dati su predmeti-sporovi koji mogu biti predmetom nabavke tokom 2021. godine.

Međutim, s obzirom na specifičnost usluge i da Razvojna banka Federacije BiH ne može pretpostaviti obim i vrstu parničnih radnji, odnosno da li će se u toku godine bilo šta realizovati od specificiranih parničnih radnji od kojih zavisi i realizacija sporova koji traju duži niz godina ili će se pojaviti neki novi spor, nije moguće jednokratno sačiniti ugovor.

Članom 8. stav (1) Zakona o javnim nabavkama (Službeni glasnik BiH broj 39/14) propisano je da se na dodjelu ugovora koji za predmet javne nabavke ima usluge iz Aneksa II. Dio B, koji je sastavni dio ovog zakona, primjenjuju odredbe ovog zakona, i to: odredbe koje se odnose na opće principe, pripremu tehničke specifikacije, period na koji se zaključuje ugovor, pravnu zaštitu, objavu obavještenja o dodjeli ugovora i dobrovoljno ex ante obavještenje o transparentnosti.

Postupak dodjele ugovora iz stava (1) istog člana Zakona uređen je Pravilnikom o postupku dodjele ugovora o uslugama iz Aneksa II dio B Zakona o javnim nabavkama (Službeni glasnik BiH broj 66/16).

Usluge iz Aneksa II dio B su tzv. neprioritetne usluge-usluge koje su zbog svoje prirode ograničene određenim faktorima, te se za iste ne provodi redovan postupak propisan Zakonom o javnim nabavkama, nego se radi o postupku „po posebnom režimu“, te stoga ni ugovor o nabavci usluga iz Aneksa II dio B Zakona nije ugovor o javnoj nabavci u klasičnom smislu Zakona.

S obzirom da Ugovorni organ ne može znati tačne količine odnosno obim, pa samim tim ni ukupnu cijenu ugovora, objavljen je pismeni poziv u skladu sa članom 7. Pravilnika o postupku dodjele ugovora o uslugama iz Aneksa II dio B Zakona o javnim nabavkama BiH (Službeni glasnik BiH broj 66/16) u kojem je navedena ukupna vrijednost koja je planirana za ove usluge.

Ugovorni organ će koristiti usluge kvalifikovanih dobavljača koji se jave na pismeni poziv, u skladu sa svojim potrebama, jer se ne zna unaprijed cijena ugovora, te u skladu s tim se ne primjenjuje kriterij za dodjelu ugovora jer nije primjereno - Članom 7. Pravilnika o postupku dodjele ugovora o uslugama iz Aneksa II dio B Zakona o javnim nabavkama BiH (Službeni

Ugovorni organ će donijeti Odluku o izboru kvalifikovanih ponuđača (kvalifikovani su oni ponuđači koji ispunjavaju uslove za kvalifikaciju navedene u pozivu) i obavijestiti učesnike u postupku, uz napomenu da po Pravilniku o postupku dodjele ugovora o uslugama iz Aneksa II dio B Zakona o javnim nabavkama BiH (Službeni glasnik BiH broj 66/16) donošenje Odluke o izboru nije obavezno.

Iz svega naprijed navedenog, vidljivo je da je Ugovorni organ ispoštovao principe navedene u članu 8. Zakona o javnim nabavkama kada je riječ o neprioritetnim uslugama, jer je istim članom definisano da je postupak dodjele ugovora o neprioritetnim uslugama uređen Pravilnikom o postupku dodjele ugovora o uslugama iz Aneksa II dio B Zakona o javnim nabavkama (Službeni glasnik BiH broj 66/16), a po članu 7. Pravilnika kriterij za dodjelu ugovora se navodi samo ukoliko je primjereno.

U skladu sa naprijed navedenim, Ugovorni organ neće vršiti izmjene poziva/tenderske dokumentacije.

S poštovanjem,



v.d. predsjednik Uprave

dr. sc. Semir Fejzić